

SCRIPT OF EVENING GOJRI NEWS BULLETIN 6FEB 2025

1700HRS

اوننگ گوجری نیوز بولیٹن 6 فروری 2025

یوہ آکاشوانی جموں بے نصرت تے محمد سفیرتیں خبر سُنو۔

HEADLINES

- ۱۔ صدر جمہوریہ محترمہ درویدی مرمو گا خطاب ور شکریہ غی تحریک ور وزیر اعظم نریندر مودی نے راجیہ سبھا مانہ کہیو کہ ہم نانہ بر لمحہ ملک غی ترقی تے عوام غی علاج و بہبود واسطے استعمال کرنو چاہیے۔
- ۲۔ راجیہ سبھا مانہ صدر غا خطاب ور شکریہ غی تحریک تیں بحث شروع ہوئی۔
- ۳۔ لیفٹیننٹ گورنر منوج سنہا نے نوجوانان ور زور دتو کہ ایک مضبوط تے وکست بھارت غی تعمیر واسطے اجتماعی طور ور کم کریں۔
- ۴۔ سائنس تے ٹیکنالوجی غا وزیر ڈاکٹر جتندر سنگھ نے کہیو ۷۲۰۲ مانہ بھارت غا مشن چندریان چار غ و مقصد چاند غی سطح تیں نمونہ اکٹھو کرنو تے اُس نانہ زمین ور لیانو بے۔
- ۵۔ جنگلات تے قبائلی امور غا وزیر جاوید رانا نے کہیو کہ زبان کسے وی طبقہ غی بنیادی پہچان بے۔

PM REPLY

پارلیمان امور گا وزیر کرن رججو نے سوشل میڈیا پوسٹ گے زیرے اظہار کیو بے جے وزیر اعظم نریندر مودی اج شام پارلیمان گا ایوان بالا مانہ صدر جمہوریہ گا خطاب ور شکریہ غی تحریک گا سلسلہ مانہ دوان ایوانان گا مشترکہ اجلاس سنگ خطاب کریں گا۔ یاد رہ جے ۲ دن پہلاں صدر جمہوریہ غا خطاب ور شکریہ غی تحریک ایوان زریں یعنی لوک سبھا مانہ پیش کی گئی تھی۔

RS MOTION OF THANKS

پارلیمنٹ گا ایوان بالا یعنی راجیہ سبھا مانہ صدر جمہوریہ گا خطاب ور شکریہ غی تحریک ور آغاز ہوئی۔ اس موقع ور بی جے پی گا ممبر دیویندر پرتاپ سنگھ نے اظہار کیو جے سرکار نے کسانان نانہ کہٹوں کہٹ حمایتی قیمت یعنی مینیم سپورٹ پرائیس تے درجہ فہرست قبائیل تے درجہ فہرست ذات کی پہلائی بہتری واسطے کئی اقدامات چایا ہیں۔ اس موقع ور سابقہ وزیر اعظم ایچ ڈی ڈیوئی گووڈا نے کہیو بے جے غریبان عورتاں تے کسانان کی فلاح کرنو سرکار کی ترجیح بے تے انہاں نے کھیتی باڑی صحت تے تعلیم مختص کیا گیا بجٹ ور سرکار کی سراہنا کی بے تے ایوان مانہ مذکورہ بحث اجوں جاری بے۔

LG SEIL TOUR

لیفٹیننٹ گورنر منوج سنہا نے نوجوانان نانہ تاکید کی بے جے وے اجتماعی طور ور مضبوط وکست بھارت کی خاطر کام کریں انہاں نے نوجوانان نانہ کہیو جے وے سماج گا کمزور تے پچھڑا طبقاں کی ضروریات نانہ مد نظر رکھیں تانجے مذکورہ طبقات ملک کی ترقی تے بہبودی مانہ حسو لے سکیں اے ان گلاں گو اظہار بین ریاستی ٹور راشٹریہ ایکماتا یاترہ ۵۲۰۲ کی اکتتامی تقریب مانہ کر رہیا تھا۔ یاد رہ جے طلبہ کی اس یاترہ گو آگاز اکھیل

بھارتی ودیارٹھی پریشد نے ۳ فروری نانہہ کیو تھو۔ اس موقع ور بولتاں واں ایل جی موصوف نے کہیو جے مذکورہ یاترہ گے تحت شمال مشرق تیں آیا طلبہ سنگ مل غے خوشی حاصل ہوئی ہے انہاں نے مزید اس طرح کہیو۔ یاد رہ جے یوہ توراے بی وی پی نے ثقافتی تبادلہ تے قومی یکجہی گے پیش نظر منعقد کیو جس غے تحت بھارت کی شمالی مشرقی ریاستاں گا طلباء نانہہ ملک گا بکھ بکھ حصاں غی سیر کرانو ہے۔

RS EAM STATEMENT

وزیر خارجہ ایس جے شنکر نے اظہار کیو ہے قانونی نقل و حرکت گو بڈھاور اجتماعی مفاد ہے انہاں نے کہیو جے اگر ملک گا لوک دوجا ملکاں مانہہ غیر قانونی طور ور رہ رہیا ہیں ان گو رکھ رکھاؤ قوم کی ذمہ داری ہے تے یوہ بین العوامی قانون گو تسلیم شدہ اصول وی ہے۔ وزیر موصوف نے اس گل گو اظہار راجیہ سیہا مانہہ کیو جد وے امریکہ تیاں بھارتی شہریاں نانہہ ملک بدد کرن بارے بول رہیا تھا۔ انہاں نے کہیو جے ملک بدر کرن گو سلسلو کوئے نوو نہیں بلکہ یوہ اک مسلسل سلسلو ہے۔ انہاں نے دسیو جے سال ۲ ہزار ۹ مانہہ ۷ سو ۷۳ افراد نانہہ بھارت بھیجیو گیو تھو جدکہ سال ۲ ہزار ۴۲ مانہہ ۱ ہزار ۳ سو ۸۶ افراد واپس بھارت ٹوریا گیا تھا تے اس سال ۱ سو ۴ افراد نانہہ واپس بھارت چلاؤ گیو ہے وزیر موصوف نے مزید کہیو جے بھارت سرکار امریکی حکام گا رابطہ مانہہ ہے۔ تاجے ملک بدد ہون آلا کسے وی فرد سنگ کائے وی بد سلوکی نہ پیش آوے۔ ہن تک امریکہ تیں ملک بدد ہون آلا بھارتیاں نانہہ لے غے پارلیمانی ایوان مانہہ حزب اختلاف نے آواز بلند کرگے اس مسئلہ ور بحث کرن گو مطالبو کیو۔

DODA LAL DRAMAN FEST

ضلع انتظامیہ ڈوڈھہ آئیندہ ۸ فروری نانہہ سرمائی تہوار لعل درمن گو انعقاد کرا رہی ہے مہارا آکاشوانی جموں گا نمائینداں غے مطابق یوہ تہوار ضلع انتظامیہ دوڈھہ مہکمہ سیاحت بھارتیہ فوج تے غیر سرکاری تنظیم تیجس ایک پھل گا استراک سنگ منعقد ہو رہیو ہے اس موقع ور ثقافتی پروگرام گانیکاری مقابلہ کھیڈ مقابلہ روایی ڈاکو ناچ مقابلہ گے علاوہ مقامی ہنر کی چیزاں کی وی نمائش کی جے گی۔ اس تہوار نانہہ کامیابی سنگ منعقد کران گا سلسلہ مانہہ بکھ بکھ محکمہ جات نانہہ ذمہ داری سونپی گئی ہیں جن مانہہ حفاظتی تے گڈیاں لاریاں غا رکھ رکھاؤ گو انتظام فوج تے پولیس گے ذمہ ہے۔

CHANDRAYAAN 4

سائنس تے ٹیکنالوجی غ اوزیر ڈاکٹر جتندر سنگھ نے کہیو بھارت ۲ ہزار ۷۲ مانہہ چندریان چار مشن لانچ کرے غو جس غو مقصد چاند غی مٹی تے پتھر غا نمونہ لے غے واپس زمین ور آنو ہے۔ چندریان چار مشن واسطے کم از کم ۲ الگ الگ لانچ کیا جیں گا جن مانہہ بیوی لیفت ایل وی ایم ۳ راکٹ گو استعمال کیو جے غو۔ یوہ راکٹ مشن غا ۵ مختلف حصاں نانہہ لے غے جے غو جہیرا خلا مانہہ جاغے جوڑیا جیں گا۔ ڈاکٹر سنگھ نے اپنا خطاب مانہہ دسیو کہ مشن چندریان چار غو مقصد چاند غی سطح تیں نمونہ اکٹھو کرنو تے انہاں نانہہ زمین ور واپس لیانو ہے۔ انہاں نے مزید کہیو کہ گگن یان مشن جس مانہہ بھارتی خلا بازاں نانہہ ایک خاص خلائی جہاز مانہہ زمین غے قریب آلا خلا تک پہنچنو تے پھر محفوظ طریقہ تیں واپس لانو شامل ہے اگے سال اُس گو آغاز کیو جے غو۔ اس سلسلہ مانہہ گل کرتا واں ڈاکٹر جتندر سنگھ نے اس طرح کہیو۔

JAVED RANA

جل شکتی جنگلات تے قبائلی امور گا وزیر جاوید رانا نے اج کے۔ ایل سہگل ہال مانہ معروف گجر لیڈر تے آزادی پسند فیض حسین انقلاب کی یاد مانہ اک روزہ سیمنار گو افتتاح کیو۔ یاد رہ جے یوہ پروگرام جموں کشمیر اکیڈمی برائے ہنر ثقافت تے لسانیات کی طرفوں منعقد کیو گیو۔ اس موقع ور بولتا واں وزیر موصوف نے کہیو جے زبان کسے وی طبقہ غی بنیادی پہچان ہے۔ فیض حسین انقلاب گے بارے بولتا اُنہاں نے کہیو ہے جے ان کی سرحدی اضلاع غی عوامی خدمات بے مچال ہیں تے قبائلی زبان گا فروغ کی خاطر ان کی انتہک محنت نانہ فراموش نہیں کیو جاسکتو۔ اُنہاں نے مزید اس طرح کہیو۔ اس موقع ور اکیڈمی کی سیکرٹری برویندر کور ریجنل ہیڈ جموں ڈاکٹر جاوید راہی گے علاوہ دیگر اہم شخصیات وی موجود تھیں۔

JKBOSE CHAIRMAN

جموں کشمیر حکومت نے ڈاکٹر پرکشت سنگھ منہاس غی بطور جنیرمین جموں کشمیر اسکولی تعلیم بورڈ تے دائریکتو ریاستی تعلیم تحقیق و تربیت کونسل غی مدت مانہ ایک بور مہینہ غی توسیع کردتی ہے۔ اس ہوالہ تیں اسکولی تعلیم محکمہ غا مالیاتی کمشنر شانت منو غی طرفوں جاری کردہ سرکاری حکم نامہ مانہ کہیو گیو ہے جے ڈاکٹر پرکشت سنگھ منہاس غی مدت ملازمت مانہ مزید ایک ماہ غی توسیع دتی جارہی ہے جہیڑی ان غی پچھلی مدت غا اختتام ۲۲ جنوری ۲۰۲۵ تیں بعد نافز وے غو۔

NUTRI MIX TRAINING

ترے روزہ غی تربیت دودھ پلان آلی تے حاملہ خواتین واسطے مکمل غذا غی تیاری بارے تربیت کرشی وگیان کیندر پونچھ غا زیر اہتمام قومی دیہی روز گار مشن غے تحت منعقد کی گئی اج اختتام پزیر ہوئی۔ اس پروگرام مانہ ضلع غا مختلف حصاں تیں ۰۳ تیں زیادہ خواتین نے شرکت کی۔ یوہ قدم کرشی وگیان کیندر پونچھ غی جاری کوششاں غو حصو تھو جس غو مقصد دیہی خواتین مانہ صحت غا شعور تے روز گار غا موقع نانہ فروغ دینو ہے۔ شرکاء نے حاصل ہوئی قیمتی تعلیم ور خوشی غو اظہار کیو تے تربیت غا طریقہ نانہ سراہیو۔ پونچھ غا کرشی وگیان کیندر غ اسائنسدان ڈاکٹر مظفر میر نے تربیت غا بارا مانہ معلومات فراہم کرتا واں اس طرح کہیو۔

SNIFFER DOG

بھارتی فوج غی سناiffer ڈاگ ٹینا یعنی وہ گتو جہیرو منشیات غو پتو سونگھ غے لالے۔ ٹینا نانہ دھماکہ خیز مواد بشمول آئی ای ڈی غو پتو لان مانہ شاندار خدمت واسطے اعزاز دتو گیو۔ ایک خاص تقریب مانہ جنرل آفیسر کمانڈنگ ٹاریگر ڈویژن میجر جنرل مکیش بنوال نے ٹینا نانہ اُس غی لگن ور انعام دیو۔ ایک دفاعی ترجمان نے ٹینا غی سخت تربیت نانہ آجاگر کیو جہیڑی سیکیورٹی اوپریشن مانہ اہم ثابت ہوئی ہیں۔ ٹینا نے جموں کشمیر مانہ ۲ سال تیں زیادہ خدمات انجام دتی ہیں۔ تے متعدد مشن مانہ اہم کردار ادا کیو ہے۔ اس غی مہارت نے سیکیورٹی اہلکاراں نانہ دھماکہ خیز خطرات تیں محفوظ رکھن مانہ قیمتی مدد فراہم کی ہے۔
